



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 225. An Matrimonium in primo vel etiam secundo aliore gradu
consanguinitatis lineæ rectæ, nempe inter Patrem & Filiam, inter Matrem
& Filium fit irritum jure naturæ.

[urn:nbn:de:hbz:466:1-73973](#)

3. Tertia regula pro linea transversa inæquali, sive dum persona quædam in lineis collateralibus inæqualiter distat à communī stipite, desumpta ex c. fin. b. t. est: tot gradibus unus alteri conjungitur, vel ab eo distat, quot gradibus à communī stipite distatis, qui est remotior. Sic Petrus & Joannes patrueles sunt in secundo gradu conjuncti. Paulus Joannis filius & Petrus sunt sibi in tertio gradu conjuncti; quia Paulus à stipite distat tribus gradibus; sic Maria neptis Petri, & Anna abneptis illius, Paulus abnepos ejusdem Petri, ab utraque, nempe Maria & Anna distat etiam in æquali gradu, nempe quarto, quia quatuor gradibus distat à Petro.

Quæst. 223. Qualiter hæc graduum computatio servetur in utroque jure, & ubi servandum quod ad hoc Jus Canonicum, & ubi Jus civile.

1. Resp. primo: In computatione graduum lineæ rectæ convenit Jus civile cum Jure canonico, ut dictum; secus in computatione graduum lineæ transversæ tam æqualis quam inæqualis; in Jure siquidem civilitot sunt gradus, quot persona collaterales, que inter se conferuntur, dempto stipite, ut Pirk. l. c. n. 7. sive, quod idem est, Jus civile computat omnes gradus, qui sunt in personis computatis seu inter se collatis, utpote quarum quælibet suum distinctum gradum habet à stipite; sic juxta illud duo fratres sunt in secundo gradu; quia sunt duas persona collaterales, sive quia sunt duo gradus in iis, dum eorum quisque suum gradum habet per ordinem ad stipitem communem; duo filii fratum sunt in quarto gradu; quia sunt quatuor persona, sive quia complectuntur quatuor gradus seu generationes distinctas, dum unusquisque horum filiorum duabus distinctis generationibus descendit à communī stipite. Sic parrus ac nepos ex fratre sunt in tertio gradu; quia tres persona hic, & tres generationes diverse intercurrunt; duorum patrum vel consobrinorum filii sunt in sexto gradu; quia intercurrunt hic sex persona, nempe duo fratres, duorum horum filii, seu duo patrueles & horum duo filii, seu generationes seu à communī stipite, hic numerantur.

2. Resp. secundo: Computatio graduum Juris canonici semper servanda, quod ad matrimonia fidem; quia circa hæc Jus civile nihil disponere habet. Quòd ad successiones hæreditarias, tam in foro ecclesiastico, quam civili servanda computatio Juris civilis; quòd ad alios contractus & actiones servanda computatio illius fori, ad quod contractus vel actio pertinet, nempe juris civilis in foro sæculari; Juris canonici in foro ecclesiastico, uti hæc omnia notant. Sanch. l. 7. d. 50. n. 8. Gutt. c. 98. n. 11. Covar. in 4. decret. 2. p. c. 6. §. 6. n. 8. Castrop. n. 5. Pirk. n. 7.

Quæst. 224. Consanguinitas in genere quo jure sit impedimentum dirimens.

1. Resp. Præscindendo à jure naturæ, quo forte aliqua consanguinitas dirimit matrimonium contrahendum, de quo in seq. quæst. consanguinitas non dirimit illud amplius jure aliquo divino veteri; cùm illud per legem evangelicam sit abrogatum. Sed neque jure aliquo novo divino à Christo lato & promulgato; cùm nullum tale existet; sed jure Pontificis; quo quidem olim reddebatur irritum usque ad septimum gradum inclusivè lineæ transversæ, ut constat ex c. ad sedem. 35. q. 5. aliisque decreti textibus; postmodum autem in Concilio Lateranensi sub Innoc. III. restrictum est hoc

impedimentum dirimens ad gradum quartum inclusivè, ut constat ex c. non debet. b. t. Ratio autem, cur conveniens fuerit irritari matrimonia inter consanguineos, hæc redditur à Castrop. cit. p. 7. n. 6. Pirk. b. t. n. 15. Sanch. l. 7. d. 53. n. 3. quod, cùm matrimonia ordinentur ad fovendam augendamque in republica caritatem, & consanguinei jam faci vel hoc ipso titulo amore familiaritate sint conjuncti absque eo, quod ad hunc finem egerent matrimonii copulari, expediebat matrimonia ad eos solos extendi, qui dicto titulo amicitiae carent. Item (quam rationem tradit D. Thom. 2. 2. q. 154. a. 9. in corp.) quod, cùm actus conjugalis quandam ex indecentiam & turpitudinem referat, que reverentiam consanguineis debitam dedebeat; ac denique ne, cùm consanguinei summa inter se familiaritatem habeant, saepe eorum pudicitia periclitetur, si matrimonia invicem contrahere poslent. Sanch. Pirk. Castrop. II. cit. Ratio vero, cur ad quartum solum gradum restrictum sit hoc inspedimentum, hæc deducitur ex cit. c. non debet, nimur, quod in ulterioribus gradibus jam non poterat absque gravi dispendo hujusmodi prohibito seu irritatio (nempe ad septimum usque gradum) generaliter observari; cùm saepe difficulter sciri possit, quinam quinto, sexto, septimo gradu, præsertim inter plebejos, conjuncti sint; quia tam remota cognatio astinari & computari non solet. Ad hæc, ut Pirk. b. t. n. 16. ex Tanner. Tom. 4. d. 8. de mat. q. 4. d. 4. n. 52. ipsa realis participatio seu communicatio ejusdem sanguinis ex primo stipite traducta vix ultra quartam generationem perdurer ob perpetuam humani corporis resolutionem & commixtionem cum alio sanguine. Unde etiam patet rationem illam adjectam per modum congruentiae in cit. cap. ideo restrictionem factam ad quartum gradum, quod corpus humanum constet quatuor humoribus, non ita ridiculam & puerilem esse, ut cavillantur hæretici, ut recte notavit Sanch. l. c. d. 53. n. 6. & ex eo Pirk. l. c.

2. Infertur ex dictis, validum esse matrimonium inter consanguineos, quorum unus distat à stipite ultra quartum gradum, scilicet ex uno latere, & alter ex altero latere intra quartum; cùm computatio facienda juxta gradum remotiorem; pro ut hæc ilatio constat ex c. vir qui. b. t. Idque verum, eti unius distet solum uno gradu à stipite. V. G. abnepos seu quartus nepos distans ab atavo seu quarto avo in quinto gradu, poterit matrimonium contrahere cum filia atavi ei conjuncta in primo gradu. Sanch. n. 5. Pirk. n. 17. cum communissima.

Quæst. 225. An matrimonium in primo vel etiam in secundo alióve gradu consanguinitatis lineæ rectæ, nempe inter patrem & filiam, inter matrem & filium sit irritum iure naturæ.

1. Resp. ad primum: Matrimonium in primo gradu contractum esse irritum jure naturæ adeoque ab Ecclesia indispensabile, est communis omnium sententia. Sanch. l. 7. d. 51. n. 7. Laym. I. 5. tr. 20. p. 4. c. 6. n. 1. Ponc. l. 7. c. 31. n. 4. Castrop. cit. p. 7. n. 8. Et. Ratio autem, qua quidem probatur esse inconvenientale matrimonium, non vero, quæ probatur esse etiam irritum, est, quod genitus sit genitor subjectus & inferior, matrimonium vero suapte naturæ æqualitatem respiciat inter conjuges; eo quod dicta subjectio naturalis non obstat, quod minus ad usum conjugalem æqualitas habetur.

tur. Caſtrop. l.c. Unde ex eo hujus irritationis ratio petenda est, quod copula seu commixtio illa parentum, cum liberis secundum se & ex natura rei sit fæda, uti patet ex naturali instinctu omnium ferè gentium, & quorundam etiam animalium, teste Aristot. de histor. animal. l. 9. c. 49. & Plin. l. 8. hist. nat. c. 42. & prout docet D. Ambros. Ep. 66. ad patern. abhorrentium talem concubitum; si autem jure naturæ illicita talis copula, inde recte inferri videatur; ergo & matrimonium, quod ad copulam talem suapte natura refertur, jure naturæ invalidum censendum, seu tale, cuius contrahendi potestatem humano generi non concesserit Deus. Est tamen probabile, non esse hoc ita intrinsecè malum & naturæ repugnans, quin dicta turpitudo & indecentia in tali matrimonio reperta honestari possit in & singulari & unico casu necessitatibus publica conservandi genus humanum, deficientibus omnibus aliis hominibus præter patrem & filiam, vel matrem & filium, adeoque & Deus in hoc casu dispensare possit, reddendo in ordine ad actum conjugalem tantum filiam æqualem patri, bono publico prævalente contra reverentiam patri debitanam, utpote privatam, Sanch. n. 10. Ponc. Laym. Caſtrop. LL. cit.

2. Resp. ad secundum: An irritetur quoque matrimonium jure naturæ in gradibus aliis extra primum, incertissimum est, ut bene Caſtrop. l.c. n. 9. tum propter opinionum diversitatem, tum ob rationem, quibus singulæ nituntur, non sat magnam firmitatem. Prohibitum esse ac irritum matrimonium jure naturæ non solum intra quartum, sed & in omni ulteriore in infinitum linea rectæ gradum, ita ut, si resurgeret Adam, nullam posset uxorem ducere, cùm sit totius generis humani seu hominum omnium communis pater, tenent Bellarm. l. 1. de matrim. c. 28. Laym. l. c. n. 2. Pith. h. t. n. 9. Gasp. Hurt. d. 17. diff. ult. & plures alii apud Sanch. l. 7. d. 51. n. 12. quibus facient jura civilia, l. nuptia. ff. de rit. nupt. ubi: *Nuptia subsistere non possunt inter eas personas, qua in numero parentum liberorum sunt proximi, sive ulteriores sunt in infinitum. L. ult. ff. eod. ubi: Jure gentium incestum committit, qui ex gradu ascendentium vel descendantium uxorem dicit. & §. ergo omnes. Inst. eod.* Quas leges, cùm per jus canonicum correctæ non sint (siquidem cit. c. non debet. h.t. non loquitur de gradibus linea recta, sed transversa) servandas quoque esse in foro ecclesiastico, censem idem AA. nec deficit ratio; quia nimirum omnes ascendentes in hac linea verè sunt & dicuntur parentes & majores, à quibus descendentes, non tantum per accidens, sed per se dependent tanquam à principiis generationis, cùm causa cause sit causa causati; adeoque iis non minus quam parentibus descendentes jure naturali debent reverentiam & submissionem; huic autem adveretur turpitude illa reportata in copula. Sed neque hic, ut fit in linea transversa, spectetur major aut minor participatio sanguinis communicata à virtute generante communis stipitis (quæ in remotioribus descendantibus minor est, ac tandem omnino extinguitur, ita ut consanguinei esse desinat) quam ratio principii, cui se reverentiam debent; omnes autem ascendentes sint principium per se necessarium descendantium.

3. Contrarium directe tenent Sanch. d. 51. n. 15. Ponc. l. 6. c. 81. n. 6. & apud illos alii, contrario omnino nisi fundamento, nimirum quia censem ascendentes non esse principium descendantium. V. G. avum non esse principium neptis, sed tantum

applicare principium, generando himitum patrem illius; adeoque non debeatur illis eadem reverentia, quæ patri, & consequenter non sit illa turpitude, quæ est in copula cum parentibus. Vix quid diversum ab his AA. docet Caſtrop. cii. n. 9. dum ob easdem rationes credit, saltem ultra gradum secundum jure naturæ non irritari matrimonium. Quod autem ultra gradum quartum non irritetur hoc jure, convinci se ea ait ratione, quod Pontifex hoc impedimentum restringens ad quartum gradum locutus fuerit non tantum de gradibus linea transversa, sed & linea recta; eò quod alius posset quis cum suo ascendentem contrahere in secundo gradu, sequens opinionem probabilem, illud matrimonium jure naturæ irritum non esse. Ad quod tamen facile dici posset, quod sicut in primo gradu irritum non est matrimonium jure Pontificio, ne declarativè quidem; quia id supponebant Concilia & Pontifices irritum jure naturæ; sic nec intra nec ultra quartum gradum linea recta, sed solum jure naturæ; quod maximè verum est, si omnes gentes bene moratae & instituta horuerint semper talia matrimonia cum ascendentibus, & quidem absque aliquo jure positivo id inhibente.

Quæſt. 226. An matrimonium in primo gradu linea transversa, nimirum inter fratres & sorores, sit irritum jure naturæ.

1. R Esp. In hoc quoque non convenire AA. affirmant Sanch. d. 52. num. 11. Bellarm. l. 1. de mat. c. 28. Valent. Tom. 4. d. 10. p. 3. §. controversia. Gutt. c. 98. n. 20. Covar. in 4. decret. 2. p. c. 6. §. 10. n. 15. Laym. cit. c. 6. n. 3. Pith. h. t. n. 10. Fundamentum eorum est, quod quoque inter fratres & sorores ob sanguinis conjunctionem sit quidam naturalis pudor & reverentia, cui valde adverfaretur actus conjugalis, per quem turpitudo alterius revealatur; quare pleraque gentes tale matrimonium detestata sunt teste Aristot. l. 2. polit. c. 2. (ad quod tamen Cón. quod apud plerasque gentes matrimonia illa irrita fuerint jure positivo) & quæ illud permittebant graviter fuerunt super hoc reprehensa & notatae tanquam barbaræ, ut refert S. August. l. 22. contra Faſtum. c. 35. unde etiam Genes. 20. ex eo, quod Sara diceretur ab Abrahamo foror, Pharaon putavit esse uxorem illius, tunc, quando lex nulla adhuc positiva exstabat, reddens tale matrimonium irritum; ad quod tamen AA. contraria sententiae dicunt, sufficiſſe ad illud Pharaonis judicium, quod matrimonia raro inter fratres & sorores contingent. Confirmari quoque videtur hæc sententia ex eo, quod Ecclesia nunquam in hoc gradu, etiæ id petitum à Papa, ut Sanch. l.c. voluerit dispensare. De cætero ad hoc, quod loco quoque confirmationis afferunt hi AA. nimirum quod in c. gaudemus, de divorciis Innoc. III. jubendo, ut qui in infidelitate in secundo vel ulteriore gradu contraxerunt, non separantur, satis innuat, si contraxerint in primo gradu, separandos esse; dicunt adversarii, ideo Pontificem de primo gradu tacuisse, seu id indecūlum reliquisse, eò quod id sub opinione constitutum esset.

2. E contra negant cum D. Thom. 2. 2. q. 154. a. 9. ad 3. Cajet. ibid. Ponc. l. 7. c. 32. n. 3. Cón. d. 32. du. 1. n. 19. Hurt. d. 17. diff. §. n. 12. Caſtrop. l. c. n. 11. & plures apud illum; eò quod ne genti tantam dedeciam reperi in illa fratribus cum sororibus copula; uti id nituntur probare pri-